

Amandman na Prijedlog Zakona o dopunama zakona o budžetima u Federaciji Bosne i Hercegovine

Aner Žuljević
BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
n/r predsjedavajućeg

Sarajevo, 28.12.2020. godine
Federacije Bosne i Hercegovine
**PARLAMENT FEDERACIJE
SARAJEVO**

Primljeno: 28-12-2020			
Org. jed	B r o j	Priloga	Vrijednost
02-1	02-	2085	/20

U skladu sa članom Poslovnika o radu Doma naroda Parlamenta Federacije Bosne i Hercegovine, podnosim:

**AMANDMAN
na Prijedlog Zakona o dopunama zakona o budžetima u Federaciji Bosne i Hercegovine**

Član 2. briše se

OBRAZLOŽENJE

Izbori u Mostaru su održani 20.12.2020. godine, te je apsolutno nepotrebno nastavljati praksu da dva čovjeka bez obzira o kome se radi, samostalno donose budžet grada Mostara od preko 60 miliona KM, kad već imamo provedene izbore i birane vijećnike.

Obrazloženje Vlade FBiH u kojem pretpostavlja neke nove političke krize, predstavlja elemente koji trebaju biti predmetom ispitivanja nadležnih institucija i kao takve su za nas neprihvatljive, jer se koriste kao alibi za ponovno isključenje građana iz aspekta definisanja načina utroška i naknadne kontrole istog.

Na žalost, navedena praksa iz prethodnih godina se pokazala kao vrlo netransparentna, gdje su dvije stranke bez bilo kakve uključenosti građana donosili stranački budžet, a da ne govorimo kako je nastavak predmetne prakse sam po sebi upitan s aspekta zakonitosti u novim okolnostima.

Mi smatramo da građani grada Mostara konačno moraju imati pravo da učestvuju u izradi budžeta grada Mostara za 2021. godinu kroz javne rasprave sa novoizabranim vijećnicima i novom gradskom administracijom u interesu transparentnosti i kvalitetnijih odluka kako o prihodovnoj, tako i o rashodovnoj strani budžeta.

Također, uključenje građana nakon 10 godina u planiranje javnih finansija predstavlja prvi korak u vraćanje narušenog povjerenja kada je u pitanju raspolaganje javnim novcem.

Na kraju, u cilju kontinuiteta finansiranja obaveza grada smatramo sasvim dovoljnim da se u okviru dopuna budžeta definiše isključiva opcija privremenog finansiranja, jer je prvi kvartal vremenski dostatan period za uspostavu vlasti koja ce zajedno sa građanima transparentno i posteno kreirati budžeta za 2021. godinu,.

Delegat, Aner Žuljević

